

هجری شمسی (۱۲) کانون اول سنه ۱۲۷۰ (نومرو ۱۸ - برنجی سنه) هجری قمری (۲۳) جاذی الاخر سنه ۱۳۰۹

مجله ف

۱۳۰۹

سیاسیادین ماعدا هر شیدن بحث ایدر. درج
اولنمیان اوراق اعاده اولنور.

به منجه پنجه شنبه کونری نشر اولنور

امور اداره و تحریریه خاند هر خصوص ایچون
مدیر مسئول قصبارنامه مراجعت اولنور.

نسخه سی ۲۰ پاره یه در

اداره خانه سی :

باب عالی جاده سنده قصبار مطبعه و کتابخانه و مجلدخانه سیدر

شرائط اشترا

زسنه لکی در سعادت ایچون - اداره خانه دن آلفق اوزره - یکرمی، ولایات
ایچون پوسته اجر تیله برابر اوتوز غروشد

ازل - ماضی به راجع و غیر متناهی ازمنه شده وجودك
استمراریدر. ته کیم (ابد) - مستقبله عائد و نامتناهی ازمنه شده
وجودك دوامیدر.

ازلی - عدم ایله غیر مسبوق اولان شیدر. معلوم
اوله كه موجودات اوج اولوب درت اوله ماز؛ بونلرده : هم
ازلی هم ابدی اولان جنساب واجب الوجود؛ نه ازلی نه ده
ابدی اولان دنیا؛ ابدی ایسه ده ازلی اولیان آخرتدر كه
بو حلاك عكسی ایسه محالدر؛ زیرا قرمی ثابت اولان شینگ
عدمی متمتدر.

ازلی - وجودی سببمن قابل اولیاندر.

استقبال - بونسدیفك زماندنصكره وجودی ترقب
اولناندر.

استسقاء - طول مدت انقطاعندن صوكره یاغور
استمكدر.

استدلال - مدلولی اثبات ایچون دلیل ایرادیدر كه
بوده یا اثردن مؤثره انتقال ایله اولوب (استدلال انی)، ویا
عكسی صورته واقع اوله رق (استدلال لمی) توسیم اولنور؛
ویاخود اثرینك برندن دیگرینه انتقال ایديلور.

استغفار - معنأ مقدر اولان سؤلك جوابیدر. مثلاً
بریسى [قوم و جماعت یاغه كلدی] دیدكدن صكره مخاطبی
[آنلری نه یایدك] ديه صورمش كي (زیده اكرام، بشره
اهانت ایتمد، بكری ایسه حالته ترك ایلدم) جمله سنی علاوه
مقال اجمعی كي.

استغفار - اعمال صالحیه میل و اقبال و اعمال فاسدیه
استكبارله آنلردن اعراضدر. اهل كلامه كوره استغفار
عصیانك بجنی كوردكدنصكره طلب مغفرتدر. بعض
اقواله كوره ده استغفار امر فاسدی قولأ و فعلاً استصلاح
ایتمكدر كه (اغفر و هذا الامر) دنیلسه (اصلحوه بما یبغی ان
یصلح) اكلاشیلور.

بخشای. مناظر رقت افزایی بزه عرض ایدهرك قلبمزه كاه
طوبولمز برحس مسرت القسا، كاه ینه اوراده بانیق بر جریحه
بیدا ایلین قلم دكلیدر؟

قلم اولماسه یدی، انجیل بخش آفاق اولان معرفتك، مدنیتك
ضیای جهانه فصل انتشار ایدردی؟

قلم اولماسه یدی، حسیات بشریه بی تعریف و تصویره
معلومات و مشاهدات انسانیه بی افاده و بیانه هانگی آلت وساطت
ایدردی؟ كوز یا شلری سراز قلبمك بر تر جان شفاهیدی
ایسه قلم ده نحر بریسیدر. قلم اولماسه یدی، بكدیكرندن اوزاق
بولنان انسانلرجه لزومی بیدیدار اولان بخاره كیفیتی فصل
قابل اوله بیلیردی؟

بو حالده لسان حقیقت، جمعیت بشریه قیمتی تقسیدر
اولغاز خدمت ایتمكده بولنان خامأ اعجاز پروری « نهال
سعادت» توصیفیه تجیل ایلش اولسه سزا دكلیدر؟

اشته شوراده كندی ماهیتنی تصویره چالیشان بو
كوجو جك (قلم) لك قدری دیالر قدر بوپوكدر. اوله ایسه
چالیشلم، نور معرفتله فكرلرمنی تنویره غیرت ایلدمده
قلمزله سوکیلی پادشاهمه صادقانه، مملكتمزه مفتخرانه
خدمتله ایفاسنه موفق اولم

ملك زاده
احمد فواد

تعریف ایسی
ترجمه عیسى

(اون سكرنجی نسخه دن مابعد)

ارش - نفسدن معادسنة واجب اولان مالك اسمیدر.

ارتاث - شرعاً مجروحك یمك، ایچمك، ایوق
وامثالی كي حیاته دال و اكاً مرافق شیر اظهار ایتمیدر.

ارین - اشیاده محل اعتدال اولوب ارضك ارتفاع
قطبینی و بناً علیه مدت لیل و نهاری متساوی اولان محل
اعتداله عرفاً تخصیص ایدلمشدر.

استفهام - مخاطبك ذهن و ضميرنده كنى سؤال و استعلام
يا خود شيك ذهنده طلب حصول دركه صورت مذكوره
ايكى شئ آراسنده نسبت وقوع ويا حصولى اولديغه كوره
(تصديق) ويا (تصور) اولور.

استقراء - اكثر جزئياتده بولنان بر حالك كليده
وجوديه حكم ايمكدر. (اكثر جزئيات) قيدنيك ادخاله
سبب جميع جزئياتده تحققي حالنده ايشك استقراءندن
چيقه رق [قياس مقسم] ولسيدر. استقراء تسميه سى مقدماتيك
انحرى تتبع جزئياته حصولدن ناشيدر. مثلاً (هر حيوان
چنكتر ايكن الت طوداغنى تحريك ايدر. چونكه انسان،
بهائم و سباعده بوحال مشهوددر) مثالنده اولدينى كى كه
اجزادن استقرا ايدملدكارى بولنه بيلمك حسييله استقراء
ناقص و تمساحك چيكنر ايكن اوست چكهنى تحريك ايمى
حسييله حكمى مخالفدر.

استحسان - لغته بر شئى ابو عد و اعتقاد ايمكدر.
اصطلاحده (ادلّه اربعه) دن (قياس جلى) به معارضه دركه
اندن اقوى اولدينى زمان معمول بهدر. سبب تسميه سى ايسه
اكثراً قياس جليدن قوى بولميسيدر كه بوحالده (قياس
مستحسن) نامى الور.

استحسان - قياسك تركيله خلقك بكنديكى اتباعدر.
استحاضه - قاديك حيز زماننده اوج كوندن
آز ويا اون كوندن چوق و لغوسه لى زماننده قرق كون قدر
كورديكى قاندر.

استطاعة - جناب حقك يار ادينى بر عرضدر كه حيوان
بوسايده افعال اختياريه ني [ديله ديكنى] اجرا ايدر. (استطاعت،
قدرت، قوة، وسع و طاقت) كهلرلى من حيث المعنى متقارب
ايسه در عرف اهل كلامده فعل و ترك خصوصه حيوانى قادر
قيان صفتدر.

استطاعة حقيقيه - صدور فعله مربوط و اكما مقارن
اولان قدرت تامه در.

استطاعة صحيحة - خسته لى و اكما مشابه موانعك
رفع و ازاله سيدر.

استحاله - صويك نوعيى بوزميسه رق صوغويوب
ايضه سى كى كيفينده واقع بر حالدر.

استقامه - خطك كافه اجزاي مفروضه سى هر وضعينده
بر برينه منطبق اوله بيلمكدر. اصطلاح اهل حقيقتده ايسه
عهد و پيمانرك كافه سند التزام وفا، و يك، ايچيك و يكيم
خصوصنده و الحاصل كافه امور دينيه و دنيويه ده حد اعتداله
رعائيله طريق مستقيعى تعقيدر كه بو طريق آخرته كى صراط
مستقيم كيدير.

استقامه - ادائعات و اجتناب معاصى و سيئاتك بر اراده
اجتماعيدر. بعض اقواله كوره ده استقامت اكر بيلمك ضدى
اولوب عبدك ارشاد شرع شريف و عقل ايله طريق
عبوديه ضروريدير.

استقامه - مداومتدر. و بعض اقواله كوره جناب
واجب الوجوددن غيرى بر شئ اختيار انجامكدر.

استقامه - (ابو على الدقاق) ديركه بونك اوج مدارجى
وارددر. برنجيسى تاييد نفسدن عبارت اولان (تقويم)،
ايكنجيسى تهذيب قلوبدن عبارت بولان (اقامة) و اوچنجيسى
تقريب اسرارندن عبارت اولان (استقامت) در.

استداره - سطحك بر خط ايله داخنده كئن بر نقطه دن
خط مذكوره وارد اولان خطوط مستقيمه نك كافه سى
بر برينه مساوى اوله حق صورتنده - محاط اولميسيدر.

استدراج - جناب حقك قولنى نهايت عمرينه قدر
بعضاً مقبول الدعاء و بعضاً كرفار عذاب و بلا ايميسيدر. بعض
اقواله كوره ده ماله نظر اهاتله ياقا قدر.

استدراج - رحمت حقدن تباعد و عقابه تدريجاً قنر بدر.

استدراج - ازار ازار امهاله عذاب الهى به تقربدر.

استدراج - شيطانك انسانى - محو و اهالك ايجوز
بر درجه عاليه چيقاره سى و اورادن باش اشاغى آتميسيدر.

استدراج - جناب حقك قولنى روز قيامتده عذاب
و شدائد و بلاييه ياقلاشدير مسيدر. تهكيم فرعونك جناب
حقدن آخرته عذاب و بلايه اوغرامنى نياز ايتديكى محيكر.

استطراذ - سوزى بشقه بركلام ايراديه حاجت كوستره جك
واديلره سوق ايمكدر، كه بونك ايرادى (ذاتاً) دكل، (عرضاً)
قصد ايديلور.

این ماده لرك جنس و نوع لری و بعد الترك حاصل اید جك لری درجه كشافك تقدیری ایل به برابر حاصل اید جك لری نوع واحوالك تقریق و غیزی ایل به قبل الاستعمال لازمكلاں حالانكه كوره معامله مخصوصیه واقف اولق و مركب اولان قاشلرك طوقونه لری حاللریله صورت تركب و نسج لری بیلوب اكا كوره اخذ و استعماله مقتضی معلوماتك استحصالی خصوصاً نردن عبارت اولمغه بوجه زیر فقره فقره تعریف و بیان اولور :

انتخاب منسوجات

البسیه مخصوص اولان منسوجاتك انتخابنده نظر دقت و اعتنایه انسی لازمكلاں بك چوق و بك مهم ماده لری وار ایسه اهر لری و هر شیدن اول نظر اعتباره انسی لازمكلاں لری حفظ صحت و اداره نقطه نظر نردن طوقونه لرك حال و طبیعت لری ایل به اشكال و الوانك تعیین و تقدیری مسئله لری دركه شكل و لون مسئله سی بوندن بر قاج صحیفه اشاعیده ایجابی و جهله محرر و مقید اولایغندن بورا چقده قاشلرك ماده و طبیعت لری حقنده بیانسی لازمكلاں الك مهم ماده لری در میان اولنه چقدره شوله كه :

اولاً - منسوجات یا مواد حیوانیه و یا خود مواد نباتیه دن ایلك حاله كتوریلر بیلان شیلرك صورت مخصوصه و معلومه سیله طوقونه رق تركب و تجمعنندن عبارتدر كه مواد مذكوره دن حیوانی اولنلر (بون) ایل به (ایلك) دینلان شیلر اولدینی كی نباتی اولنلرده اولدنبری بیلدیكمز (پاموق) و (كتان) كی شیلر و بر زمانلردنبرو الیاقتدن استفاده اولنلق اصولی كشف اولنلر قی ایلك حالته وضع ایل به انواع منسوجاتده مستعمل اولان (ایصرغان اوق) و (كون جیچكی صانی) و (قامش اوزی) و بونلره مماثل اسملری بیله مدیكمز بر طاقم اولنلردن عبارت اولمغه و اكثراً (جافنس، غرون، اطلاس) دینلان و بالخاصه ایلكدن یا یلمسی لازمكلاں كراقیمت قاشلره تقلید اولق اوزره مذكور ایصرغان اوقی و سائر الیاقتك تربیه سیله فرقی مشكل بر صورتده مذكور قاشلری اعمال ایلكده اولدقلرندن و اداره نقطه نظر نردن بونلرك بحق تقریقی الزم ایدوكندن آئیده بوكا مخصوص اوللر قمرر اولان فقره نك احكامنه رعایت اولنسی لزومی توصیه اولنلور.

استعاره - مبالغه مقصدیله معنای حقیقینك شبهه وجودنی ادعا ایتك و فقط مشبیه ارادن اسقاط ایتكدر. [بكت بر آدم كوردم] دیمك مقصدیله [بر ارسلان كوردم] دیمز كی، كه قرینه ایل به برابر مشبیه دخی ذكر ایدیلورسه استعاره (تصريحیه) ویا (تحقیقه) نامی آلور. [حامده بر ارسلان كوردم] مثالنده اولدینی كی. [اجل فلافی بجه سینه طاقدی] دیدیكمزده موتی جانلری بلا تقریق هلاك ایتك مخصوصنده بر حیوان مفرسه بگزیش و بو تشبیه قوت و یرمك ایچونده ايك طرناقلی اولدینی دخی ادعا ایل به تشبیهده مبالغه فی تاكید و تأیید اتمش اولورز، كه موتك حیوان مفرسه تشبیه (استعاره بالكنايه) و طرناقلی اولمنی ادعا (استعاره تخلیه) اولور. فعلده كنایه ایحق (تبعیه) اولور، [نظمت الحال] مثالنده اولدینی كی.

استعاره تخلیه - فلكل مصدرینی تشبیه طریقیه معنای موضوعنك غیری بر معناده قولللق و فقط نسبتده ینه اوفعله تابع ایتكدر، مثلاً عربیده (كشف) مصدرندن (كشفت) كلمه سی (ازاله) مصدرندن (آزاله) كلمه سینه بدل قولللق كی كه بونلردن مقصد لفظ فعل اولوب اصللرینه تابع بولندقلرندن بوكا (استعاره تبعیه) دینلمشدر.

استعاره تخلیه - مشبیه لوازمی مشبیه اسناد و اضافه ایتكدر.

استعاره بالكنايه - لفظ مشبیه ایرادله مشبیه بك لازمی اولان معنای مجازیسی مراد ایتكدر.

استعاره مكینه - بر شئی عكس و قلب طریقیه دیکرینه تشبیه ایتكدر.

استعاره ترشیحیه - مشبیه بك ملائقی اثباتاً مشبیه اضافه و اسناددر.

(مابعدی وار)

ترهت

تدبیر منزل فتندن ملبوسات بحثی

(اون سكرنجی نسخه مردن مابعد)

ایكسچی باب

ملبوساتك احوال مخصوصه سی

ملبوساتك احوال مخصوصه سی انلری تشكیل و تركیب